


STAFI



POLITICA

COLTUA

VARIETÀ

OUA UN NEUVO INIČIO E UNN'IDEA DE LIGURIA

T'È NE CHÌ TORNA. A SO-SPENÇION DE ÒGNI ATTIVITÀE A L'À CORPIO ANCHE O STAFI, che o doveiva anà in edicola a-a fin de marso e incangio o gh'arriva oua, co-a reavertua de tutto o Paise, o 4 de mazzo. O l'è donca, int'un çerto senso, un neuvo inicho, cosci comme o ò l'è in generale. Perché o tempo sospeiso o l'è solo ascoso i problemi che gh'avimmo, o n'ha creou se mai di neuvi, e se o l'ha lasciou un pittin de tempo pe rimette in ordine i penscèi o l'è anche complicou ben ben o scenàio. No l'è façile raxonà inte sto periodo, esci ben che beseugna fàlo, e con chiù fòrsa che mai. Perché o "doman" o l'arrivià fito, e e critiçità da nòstra region - che ean graviscime primma da vegna do virus - rischian de presentà a-o

e a definitiva sciortia de scena do Burlando. Dan l'eleçion pe persa, e zeugan unn'atra guæra, tutta seu. A scinistra do PD, con tutto che o travaggio de Linea Condivisa o l'è fiña bon in quante à contegno, se sconta a mancansa de unna leadership accapparrante, fresca, neuva. Magara, donna. Verso o centro gh'è IV, che in chiù de èse o pezo partio de tutta a stòia do centro-scinistra italian, in Liguria o no proponè ninte, levou minaccià un giorno sci e l'atro asci de no fà parte da coalizion. Assæ megio aloa o movimento civico do Merella, e tutte e forse che ghe gian intorno (da-e schegge do PSI a-i sopraviscui de +Europa, fin a-i liberali che no veuan anà con sto centro-drita, lezi Vinacci ò Serafini, tra i atri), ma l'impreçion a l'è che no aggian a fòrsa e e risorse pe mandà in gio e seu idee, esci ben che ghe n'an chiù che atri. Dapeu gh'è o groppo do nome. Sansa? Massardo? Un atro? Semmo ancon li. Stante che a-o M5S ghe va ben tutto, ò a-o manco, de questi, tutti doi, semmo ostaggi do PD naçionà e ligure o quæ, pe inciso, anche sotto a gestion do Farello o l'assomeggia chiù à un consesso de scignori da guæra - guæra di misci, s'intende - che no à un partio. No gh'è linea, solo individualità, pe-a chiù parte de basso profi, con Lunardon, Rossetti e Pandolfò che son in miscion speciale: obiettivo pòtroña. *Après moi le déluge.*

No l'è façile raxonà inte sto periodo, esci ben che beseugna fàlo, e con chiù fòrsa che mai. Perché o "doman" o l'arrivià fito, e e critiçità da nòstra region rischian de presentà a-o repiggio un conto che no poemmo pagà.

repiggio un conto che no poemmo pagà. E crixi favoriscian chi gh'è e spalle larghe e fan scentà da-a scena chi l'è debole, e niatri no poemmo permettese de perde manco un menuto, perché l'irrelevansa definitiva a l'è derè a-o canto. Repiggemmo donca o discorso da donde l'avimmo lasciou. E eleçion regionæ, che doveivan tegnise in mazzo, son rimandæ à chiù avanti. O Toti o è vorriæ o chiù fito pòssibile, pe asconde e responsabilità che o dovìa affrontà pe-a gestion no tanto da crisi sanitàia (donda l'improvvisazione e a rìçerça do consenso à bon patto an superou ogni limite, scin chiù in là do ridicolo, ma son stæte graçie da un numero tutto somouo basso di contagie) quante da costion de RSA. O l'è in boña compagnia - veddi a Lombardia co-o scandalo do Pio Albergò Trivulzio - ma o no veu di: scandalo comun, scandalo doggio. Do resto, a citadinansa ligure, ipnotizzà da-a propaganda continua da zonta uscente, a no pà avei dæto scin à oua segni de stanchessa. O Toti e i seu, no se sa quante piàxan, ma se ritè-

Un partio do genere o serve perché quello che manca a l'è unna vixon da Liguria che a tègne insieme tutti i territò e e seu vocaçion.


gio regionalista che o sacce interpretà e esigense do territòio, zugando in sciò cian doggio de l'attivitæ de lobbying à Romma e in Euròpa pe ridisegnà o sisteme de finanziamento da region, e da valorizzazion da specificità culturale ligure. Pragmatismo e e emocioin. O spaçio politico, pensando à un contenitò averto, transversale, da-i liberali a-a scinistra, o gh'è, e se se partisse subito - sperando de votà in autunno - se porrieva anche pensà de riesci à elezze un congegò za inte ste pròscime eleçion. Pe pòl cresce e pontà à èse determinant a-e comunali de Zena. Un partio do genere o serve perché quello che manca a l'è unna vixon da Liguria che a tègne insieme tutti i territò e e seu diverse vocaçion, un progetto che o vagghe chiù in là da gestion de l'emergensa e do declin. Serve rimette in gio unn'idea de Liguria comme entità politica autonoma, existia primma de l'intrà into stato italian, e conscia che se oua a ne è incidentalmente parte, a l'ha capacità de pensæ anche un doman, se mai a UE a savia evolve verso quell'Euròpa de Region che a l'è l'unica soluçion pe anà avanti in sciò cammin de l'integracion e evità a seu disintegracion. Pe arrivàghe ghe veu, pe primma còsa, un dibattito pubrico libero e intelligente. O Stafi o vorriæ servi à questo.

ANDREA ACQUARONE

I MINOÎ E E ÇITTE IN TEMPI DE COVID

I figgeu no son stæti consideræ inte l'emergensa. Oua l'è urgente affrontà o tema. Con coraggio.

"TRÒTTA O TEMPO, TANTO TEMPO, TRÒPPO BRUTTO. TUTTO GIA IN SCE DE LÈ. TIC TOC, FA O TEMPO DRENTO, tic toc fa o tempo feuan. L'è despægio feua e drengo, o tempo. Torna tempo à trottà feua, e drengo" (da unna poexia de un figgeu de 10 anni). L'ea i 29 de marso quande diversi genitoi de Zena se son riunii pe scrive a-o seu Scindico perché o fesse tornà into dibattito a paròlla "minò", "figgeu", "foento", "zoenotto". I figgeu son sparii, ma continuano à vive inte nòstre case e inte nòstre cittàe, e za aloa doveiva èse intollerabile pe tutti l'assensa de un dibattito in sciò seu benestà, o seu presente e o seu futuo.



casa à gesti i figgi, tra class-room, smart-work e speise contingentæ. L'ea o portà a-a luxe un problema sociale, unna bomba che se stavimo coltivando inte nòstre case; un reciammo a-a civiltæ, a-o fà politica co-a P maiuscola, quella che ogni citadin o doveiva fà ogni giorno perché parte de unna comunità pensante, quella ch'a governa e a prevedde i problemi passando attraverso l'ascolto, a comprension di beseugni e da seu traducion, da definiçion de prioritæ, à costo de èse quache vòtta impopolare. Quella ch'a se piggia o tempo pe pensà, pe no arrivà a-a l'ennexima emergenza; o tempo pe progettà à curto, medio e longo termine; che a l'analizza a complessità de scituacion e a ne rìçerça de soluçion concertæ, senza fomentà e tifoerie tra "staiacasisti" e "fuoricasisti" e senza rìçerçà e soluçion inte di slogan veui che ancheu, inte sta scituacion drammatica, fan chiù mǎ che mai e caccian tutti inte l'inseguessa e inta poia de un tempo sospeso. Che pòl, quæ o l'è o senso da politica, se no quello de fàse carrego do citadin, de inquadrà i vegi e i neuvi beseugni, e vegie e e neuve disequalianse, e fragilitæ, de no ascordàse di chiù pòvei e di chiù fragili, de sottrae i urtimi da-a "mòrte civile" e de evità o multiplicàse de neuve povertæ, e de impegnàse into portà avanti de soluçion radicali e coraggiose, se neçessàie, pe-o ben comun?

"Emmo beseugno che e nòstre cittàe stimolan a responsabilità partindo da-a fiduçia di citadin, che travaggian e agevolan unna neuva normalità do vive cotidian. A fiduçia a dev'èse dæta perché in scià sfiduçia e in scià diffidensa no se costruisce ninte".

de commiscion in sciò welfare di minoi e de famigge, donde se sottolinea l'efficena de l'averta de 84 pagine Facebook pe raccontà e fœe a-i figgeu da 0 à 6 anni, comme o comparto da scheua o l'agge reagio ben a-o serrà improvviso, donde se entuxasmemmo perché e moæ stan à casa e fan i erboi de Natale pe Pasqua perché an trovou in scià ræ l'enneximo link - sempre che seggian dotæ de connescion e supporti tecnologichi - convinte che bastià a sarvã o figgio da despiacion, questa a a ghe cresce drengo, ma nisciun o l'è pronto à veddila. Emmo o dovei de ridisegnà e de costruì di neuvi mòddi de abità e stradde, e ciasse, i parchi, e mæne, e montagne emmo o dovei de occupàse da vitta e de evità neuvi mòrti e neuvi lockdown, e de fà in mòddo che oua che se torna à arvi l'economia e se torna à travaggià, se addeuviemmo pe-o benestà e a salute de tutti, di chiù fragili asci, quelli che no travaggian, quelli che no produxan, ma che son o nòstro futuo. Che se evite unn'avertua senza aveili consideræ: ò poia che liatri sciortian senza nisciunna regola, perché no ne peuan chiù, e li sci che o saia un enorme problema de segussa sanitàia. L'è l'oa de "cianificà in mòddo averto", comme dieiva Isabella Inti ("Pianificazione aperta - Disegnare e attivare processi di rigenerazione territoriale, in Italia", Lettera Ventidue), e de comensà oua (saiva stæto megio vèi) à testà di neuvi mòddi de abità con attivà de piccine sperimentaçion inti quart, cosci che tutti pòssan assumme fito di compartamenti segui, metabolizzali, placando l'instinto à trovà di manuzzi creativi pe sottrase a-a regola. Emmo beseugno che e nòstre cittàe stimolan a responsabilità partindo da-a fiduçia di citadin, che travaggian e agevolan unna neuva normalità do vive cotidian. A fiduçia a dev'èse dæta perché in scià sfiduçia e in scià diffidensa no se costruisce ninte. I 10 de marso poeivimo cianificà e agi, oua semmo - comme sempre - arrivæ à dovei re-agì à unn'emergensa. L'è l'oa de repaggiàse o tempo pe pensà, perché sedonca saia delongo o tempo de emergense.

CAMILLA PONZANO



A RECLAM DO MEISE

LA FORMAZIONE
PER LA TUA AZIENDA
A COSTO ZERO!
www.parodischool.it

À L'interno

A POLITICA ESTERA PE-A LIGURIA

Emmo da pensà à unna strategia. Serve preservà i nòstri interesci.

LUCA MARCHESI PAG.2

O RÒLLO DI PARCHI E O NEUVO SVILUPPO

O parco o deve includde i territò de l'introtæra ricchi de specificità.

MASSIMO MAUGERI PAG.3

I USA E E ELEÇION IN TEMPI DE VIRUS

O scenàio o se presenta assæ inçerto pe l'amministrazione Trump.

SANDRO SESSAREGO PAG.2

O PONENTE E L'ARTE: UNNA POSCIBILITÀ

Un patrimoniò rappresentativo da coltua ligure ch'o l'ha unna dimenscion internaçionà.

FIRENZO TOSO PAG.3

DÒPPO A DISTANSA A COÆ DE ABBRASSÀSE

L'isoamento o ne mostra che intanto semmo umen

CONFESSO O MÆ SCETTICISMO, À L'INIČIO. NO CREDEEVO. COMME TANTI, AVENDO PERSO FIDUCIA INTE INSTITUÇION, ò pensou à un "a-o lò a-o lò". Pòl, un giorno son anæto in pisciña in pausa-pranso: comme inta scena do crimine, ò trovou l'atrio - pe sòlito speuggio e essençiale - con di nastri à strisce rosse e gianche

FILIPPO BIOLÉ continua PAG.2

